



Amuia le nuu e fai
leova mo latou Atua;
ma le nuu ua ia filifilia
mo lona lava tofi.

SALAMO 33:12

E FA UPUMONI E TATAU ONA TATOU
MALAMALAMA ATOATO A I AI:

1 E ALOFA LE ATUA IA OE.

E FINAGALO LE ATUA IA E MAUA SE OLA E FAAVAVAU FAATASI
MA IA I LE LAGI.

Auā 'ua fa'a'apea lava 'ona alofa mai o le Atua i le lalolagi 'ua ia 'aumai
ai lona Atali'i e to'atasi, 'ina 'ia lē fano se tasi o ē fa'atuatua 'iā te ia,
a 'ia maua e ia le ola e fa'avavau. IOANE 3:16

E FINAGALO LE ATUA IA E MAUA SE OLAGA AOGĀ.

O le gaoi, e leai se tasi mea e sau ai na 'ona ia gaoi, ma fasi, ma fa'aumatia;
'ua 'ou sau 'ina 'ia latou maua le ola, 'ia maua atili ai lava. IOANE 10:10

PEITA'I, E TO'ATELE TAGATA E LĒ O MAUA SE OLAGA AOGĀ MA
LĒ MAUTINO A I LE OLA E FAAVAVAU ONA...

2 E AGASALA LE TAGATA I LONA NATURA. O LEA UA VAVAE ESE AI O IA MAI LE ATUA.

O I TATOU UMA O TAGATA AGASALA.

Auā 'ua agasala tagata uma lava, ma 'ua lē o'o i le mamalu o le Atua;
ROMA 3:23

O LE FAASALAGA O LE AGASALA O LE OTI.

Auā o le oti, o le totogi lea o le agasala... ROMA 6:23

E LUA ITUAIGA O OTI O LOO TA'UA I LE TUSI PAIA:

▪ OTI FAALETINO

Pei 'ona tofia fo'i mo tagata 'ia tasi lo latou oti, 'ae mulimuli ane
o le fa'amasinoga. EPERU 9:27

▪ OTI FAALEAGAGA PO O LE VAVAE E FAAVAVAU MA LE ATUA

A o ē loto vaivai, ma ē lē fa'atuatua, ma ē fai mea e 'inosia, ma ē fasioti
tagata, ma ē faita'aga, ma ē fa'ataulāitu, ma ē ifo i tupua, 'atoa ma ē tala
pepelo uma, e fai o latou tofi i le lepa e mū i le afi ma le teiō, o le
oti fa'alua lea. FA'AALIGA 21:8

AFAI UA VAVAE ESE LE TAGATA MA LE ATUA ONA O LANA AGASALA, O LE A LE VAIFOFO O LENEI FAAFITAULI?

E MASANI ONA TATOU MAFAUFAU I NEI MEA O FOFO:

LOTU, GALUEGA LELEI, AMIO

PEITAI, E TASI LAVA LE VAIFOFO UA SAUNIA E LE ATUA.

3 UA NA O IESU KERISO LE ALA I LE LAGI.

O LE MEA LEA NA FETALAI MAI AI LE ATUA.

'Ua fetalai atu Iesu 'iā te ia, "O a'u nei le ala, ma le 'upu moni, ma le ola; e lē alu atu lava se tasi i le Tamā, pe a lē ui mai 'iā te a'u. IOANE 14:6

NA TOTOGI ATOA E IESU KERISO LE SALA MO AU AGASALA.

Auā o Keriso fo'i na malieu o ia fa'atasi mo agasala, o le amiotonu o ē amioletonu, 'ina 'ia ta'ita'iina e ia o i tatou i le Atua; na fasiotia o ia i le tino, a 'ua fa'aolaina mai i le Agaga, 1 PETERU 3:18

UA I AI I LE ATUA LE FOLAFOLAGA O LE OLA E FAAVAVAU.

O lē fa'atuatua i le Alo, 'ua 'iā te ia le ola e fa'avavau; a o lē lē fa'atuatua i le Alo e lē iloa e ia le ola, a o le to'asā o le Atua o lo'o tumau lava i ona luga. IOANE 3:36

AE PEITAI, E LE LAVA LE TAU INA ILOA O MEA UA FAIA E IESU KERISO MO I TATOU.

4 E TATAU ONA TUU ATU LO TATOU FAATUATUA I LE ALII O IESU KERISO MO LO TATOU FAAOLATAGA.

O LO TATOU FAAOLATAGA E MAFAI ONA O LE ALOFA TUNOA O LE ATUA E ALA I LE FAATUATUA IA IESU KERISO.

Auā o le alofa tunoa 'ua fa'aolaina ai 'outou i le fa'atuatua e lē mai 'iā te 'outou fo'i lea, a o le mea na foa'iina mai e le Atua. E lē 'ona o galuega, 'ina ne'i mitamita se tasi. EFESO 2:8-9

FAI LENEI TATALO I LE ATUA I LE FAATUATUA:

LE ALII E IESU, FAAFETAI TELE I LOU ALOFA TELE MO A'U. OU TE TA'UTINO ATU O A'U O SE TAGATA AGASALA MA OU TE OLE ATU MO SE FAAMAGALOGA. FAAFETAI MO LOU MALIU I LUGA O LE SATAURO E TOTOGI AI LE SALA MO AU AGASALA. OU TE TALITONU I LOU TOETU MAI LE OTI. E AMATA ATU NEI, 'OU TE FA'ATUATUA 'IĀ TE OE O LO'U ALI'I MA LO'U FA'AOLA. OU TE TALIA LAU MEAALOFA O LE OLA E FAAVAVAU MA OU TE TUUINA ATU LO'U OLA IA TE OE. IA E FESOASOANI MAI IĀ TE A'U INA IA OU USIUSITA'I I AU POLOA'IGA MA IA FIAFIA MAI OU LUMA. AMENE.

AFAI E TE TALITONU IA IESU KERISO, O LE MEA LENEI UA TUPU IA TE OE:

▪ E TE OLA E FAAVAVAU MA LE ATUA.

O lenei fo'i le finagalo o lē 'ua 'auina mai a'u, 'ia maua le ola e fa'avavau e i latou uma o ē va'ai i le Atali'i, ma fa'atuatua 'iā te ia, 'ou te toe fa'atūina fo'i i latou i le aso gata'aga. IOANE 6:40

▪ UA FAAMAGALOINA AU AGASALA UMA.

O ia 'ua na lavea'i mai 'iā te i tatou nai le pule a le pouliuli, a 'ua na 'aumaia i tatou i le mālō o lona lava Alo pele. O ia 'ua tatou maua ai le togiola o le fa'amāgaloina lea o agasala. KOLOSE 1:13-14

▪ O OE O SE TAGATA FOU ATOATO A I LE SILAFAGA A LE ATUA. O LE AMATAGA LEA O LOU OLAGA FOU.

O lenei, 'āfai o 'iā Keriso se tasi, o le tagata fou ia; 'ua mavae le ola tuai, fa'auta, 'ua o'o mai le ola fou. 2 KORINITO 5:17

▪ UA AVEA NEI OE MA ATALII O LE ATUA.

A o i latou uma o ē na talia o ia ma fa'atuatua i lona suafa, na ia avatu i ai o lea manuia, 'ia 'avea i latou ma fānau a le Atua. IOANE 1:12

O LE FAIA O GALUEGA LELEI E LE O SE AUALA I LE FAAOLATAGA, AE O SE FAAMAONIGA O LO TATOU FAAOLATAGA.

Auā o le alofa tunoa 'ua fa'aolaina ai 'outou i le fa'atuatua e lē mai 'iā te 'outou fo'i lea, a o le mea na foa'iina mai e le Atua. E lē 'ona o galuega, 'ina ne'i mitamita se tasi. EFESO 2:8-9